

Le dotur Aldo Marcocci lascia alsavèi che ai 24 y ai 31 de dezèmbër, tignaràl l'orar d'ambulatorie danmisdé dales 8.00 ales 11.30, impede domisdé.

Al vègn comuniche che les iscriziuns ala scolina por l'ann de scora 2020/2021 gnarà tutes sö ai 13 de jená dales 08.45 ales 09.45 y ai 14 de jená 2020 dales 14.00 ales 15.00. Al pó se lascé scri ite mituns y mitans che complèsc i agn anter i 31.12.2020. L'iscriziun vègn fata ma te öna na scolina; tolésse do le numer de codesc fiscal.

SAN MARTIN Y LUNGIARÜ

Le Sorvisc ai Jogn y i locai di jogn fora por i paisc sará stlúc dal lönesc, 23 de dezèmbër cina al lönesc, 6 de jená. Le zènter dla jonèza SaJ.un a La lla resta stlüt i dis de festa. I aodun a düc de beles festes da Nadé y n bun Ann Nü 2020. Ch'al ves portes tröpa fortüna, sanité y ligrèza.

Le K.V.W. dla Val Badia lascia alsavèi che les prenotaziuns por tó pert al peregrinaje cun le fligher de 4 dis a Lourdes dai 24 ai 27 d'aurí é davertes. Informaziuns plü avisa y le program podèise ciafé da Iaco Clement de Badia 339 62 57 779 - iaco_clement@libero.it o söla plata internet "Valbadiaonline"

SAN MARTIN

En vèia de Nadé vègnel tigní dales 16.00 domisdé te dljia na funziun da Nadé por i mituns y les mitans. Al vègn ince condüt adalerch dai geniturs di mituns dla pröma Comuniun le "Friedenslicht". La jënt pó se tó do na linterna y se porté a ciasa chësc fűch. Chësc vel ince por la Mëssa de Madovines.

LUNGIARÜ

La Uniun di Seniors da Lungiarü invièia dër bel düc i seniors da 60 agn insö en San Stefo, 26 de dezèmbër, ala mëssa por i seniors y dedò tl salf dles uniuns ala festa da Nadé cun indunada generala y a marèna.

La Uniun Ves aoda a düc de beles Festes da Nadé y döt le bun por l'Ann Nü.

I Consëis de Cöra y les Comunités da San Martin y Lungiarü
Ves aoda a Os,
siur ploan Klaus Sottsas y siur curat Heinrich Perathoner,
n Nadé de ligrèza y de pesc
y Ves dij dilan de cör
de döt ci ch'i fajëis por les comunités cristianes dles döes ploanies.
I orun perié
che la Noela de Nadé ch'i incundëis y por chëra ch'i stëis ite
n'arjunjes tröc y portes früt.

Le ploan, siur Klaus y le curat siur Heinrich
ti aoda ales Comunités da San Martin y da Lungiarü
de bunes Festes da Nadé de pesc y contentèza, de sanité y de salvèza,
y che Chël Bel Dî Ves acompagnëies cun süa grazia
ince tl Ann Nü, Ves scinches la forza dla fede,
Ves stais dlungia y Ves lasces sintí so aiüt y süa pesc.



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - ksottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194



22.12 – 29.12.19 nr. 4

ultimo termo por comunicaziuns: jöbia dales 20.00

CUARTA DOMÈNIA D'ADVÈNT - A

Vangele do Matí 1,18-24

Ujöp, so om, che ê iüst y che n'orò
nia la descredité, s'â tut dant de se
despartì adascusc da d'ëra.
Çiamò tratan ch'al ponsâ sura,
ti él comparì n agno dl Signur y à dit:
Ujöp, fì de Davide, no te temèi
da tó pro tè Maria por fomena.



*Agno de Dî, ví
a m'ilominé te
mies domandes
do le ciodí,
dâme coraje*

*da jí por le tru de mia vita
sciöche Idî l'â orü por me.*

NADÉ DE NOSC SIGNUR

Vangele do Jan 1,1-18

Tl pröm èl la Parora, y la Parora ê pro Idî,
y la Parora ê Idî. Tl pröm èra pro Idî.
Döt é diventè tres la Parora,
y zënza la Parora ne n'él diventè nia
de ci che é diventè. Te ëra èl la vita,
y la vita ê la löm dla jënt.

*Chël me dejidrëii tres danü, che la Parora
vègnes cern, ch'ara vègnes via y vègnes a sté
danter nos. Chësc me dejidrëii pro la mëssa, da Nadé y vigni domènia.
Chësc me descidrëii tla oraziun. Chësc me dejidrëii tla vita
de familia, tla vijinanza, tl post de laur, tla comunité, tl monn.
La Parora gnüda cern é na scincunda de Dî; i sciafiun ma da ti respogne
porvan da diventè instësc porsones sciöche él: don inant süa löm,
se daurin ala jënt incër nos ia y diventan comunité di fis de Dî
mostran sön so amur cun l'amur che nos viun. (M.T.)*



EDEMA LITURGICA	SAN MARTIN	LUNGIARÜ	
22.12.19  4^a DOMËNIA D'ADVËNT-A	9.00 Corona por la def.ta Ida Deiacò 9.30 Gran Mëssa dla Comunité Rorate dl Consëi de cöra y colauradus en onù dl Spirit Sant + Ida Deiacò (dla Uniun)	7.55 Corona 8.15 Gran Mëssa dla Comunité + + siur Stachio y suor Lucia Clara	 <i>Hodie Christus natus est</i> Oh Dé, lové tan bel a dé l'anunz noel indlunch döt inoronn por döt le monn. <i>Tëgneme ca la man, Pice Bambin sön stran, tìreme dlungia te, fì dla bunté.</i> Oh Dé, lové tan alt d'amur y pesc dal alt che mët al monn n môt che müda döt. <i>Tëgneme ca la man,</i> Oh Dé, lové tan gran döt ligher dlun ciantan: "Tan gran m'a fat Idì por Crist so Fi." <i>Tëgneme ca la man,</i> Oh Dé, lové tan sant a implì le monn döt cant, de grazia y verité glorifiché. <i>Tëgneme ca la man,</i>
23.12.19 Lönesc <i>Jan da Cracau, Ivo</i>	15.00 Mëssa tla Ciasa de Palsa		
24.12.19 Dedolönesc VËIA DE NADÉ <i>Adam y Eva</i>	16.00 Funziun da Nadé por mituns y mitans 23.00 Mëssa solëna de Madovines por la comunité de rengraziamënt dl Nadé dl Signur	20.30 Introduziun musicala cun Cor de dlijia y Grup de stromënc 21.00 Mëssa solëna de Madovines por la comunité	
25.12.19 Dedemesaledema NADÉ DL SIGNUR NATALE CHRISTTAG	10.00 Mëssa solëna de Nadé de rengraziamënt dla Redenziun 18.00 Öspi da Nadé cun Cor y Comunité	8.30 Mëssa solëna de Nadé por la comunité 14.30 Öspi da Nadé cun Cor y Comunité	
26.12.19 Jöbia SAN STEFO, Stefania	9.00 Corona 9.30 Gran Mëssa dla Com.. (siur Klaus) + + Giovanni (dl ann) y Maria Vanzi de rengraziamënt dles grazies scincades en onù di Agnui Custodi	7.55 Corona 8.15 Gran Mëssa dla Com. (siur Klaus) por i Seniors dl ann + Stasia Schanung dl ann + Angela Clara	
27.12.19 Vëndres <i>Jan apostul y vangelist</i>	18.30 Adoraziun chîta 19.00 Adoraziun deboriada	7.30 Mëssa + Orsola Puntel + Claudia Maieron a d'intenziun	
28.12.19 Sabeda <i>De Fantú . Mituns Inozënc</i>	15.30 Mëssa tla Ciasa de Palsa 18.30 Mëssa prefestia y benedisciun dl Vin de San Jan por familia de Doro Verginer por les püres animes	20.00 Mëssa prefestia + Daniele y Maddalena Dapoz + Matia Clara + + fredesc Clara, Somví	
29.12.19 DOMËNIA DLA SANTA FAMILIA- A	9.00 Corona 9.30 Gran Mëssa por les families de rengraziamënt	7.55 Corona 8.15 Gran Mëssa por les families	